

SI. quid Davo' narrat? *DA.* aequè quicquam nunc quidem.

435 *SI.* nilne? hem. *DA.* nil prorsus. *SI.* atqui expectabam
quidem.

DA. praeter spem evenit, sentio: hoc male habet virum. 5

SI. potin es mihi verum dicerē? *DA.* nil facilius.

SI. nūm illi molestae quidpiam haec sunt nuptiae
propter hūiusce hospiti consuetudinem?

440 *DA.* nil hercle; aut, si adeo, biduist aut tridui
haec sollicitudo: nosti? deinde desinet. 10

etenim ipsu' secum eam rem reputavit via.

SI. laudo. *DA.* dum licitumst ei dumque aetas tulit,
amavit; tum id clam: cavit ne umquam infamiae

445 ea res sibi esset, ut virum fortem decet.
nunc uxore opus est: animum ad uxorem adpulit. 15

SI. subtristi' visus est esse aliquantum mihi.

DA. nil propter hanc rem, sed est quod suscenset tibi.

SI. quidnamst? *DA.* puerilest. *SI.* quid id est? *DA.*
nil. *SI.* quin dic, quid est?

450 *DA.* ait nimium parce facere sumptum. *SI.* mene? *DA.* te.
"vix" inquit "drachumis est opsonatum decem: 20

non filio videtur uxorem dare.

quem" inquit "vocabo ad cenam meorum aequalium
potissimum nunc?" et, quod dicendum hic siet,

455 tu quoque perparce nimium: non laudo. *SI.* tace.
DA. commovi. *SI.* ego istaec recte ut fiant videro. 25

quidnam hoc est rei? quid hic volt veterator sibi?

nam si hic malist quicquam, em illic est huic rei caput.